

Ran-u Yunana

Yunana somog dugu-du Yawe

¹ Rem-us Yawe haagun udu Yunana wa'-u Ami-tai.

² <<Yune bo do'e u Neneba bo-u yat-o, bo waru un rem-us ri, remu nom-ut yo-to un teegun udu ri.>>

³ Sedi Yunana gugum. Wa som u irig m-ha bo-u yat-o u na foge Jopa tumsu wa top shik, se wa irig u-me hat-u yat-ya m-ha bo-u Tarshis. Wa aruk remu uzu wa oog ussa wa som dugu-du Yawe.

⁴ Un o tek ur-nok, Yawe tokon mya-mu ur-beb u-me m-sa, hat-yu ut-sa ut-ukus.

⁵ A-nak-du hat-u yat-ya hog u-gyer sok. Kowan hu kon-du ru-u wa. Un guns cwu-ut un u-me m-sa remu hab-du m-no hat-u yat-ya.

Sedi Yunana o u-me dak-u hat-u yat-ya wa roog-mu hoog wa.

⁶ Da-u o yu-Yat-ya yu hat-u yat-ya haan udu Yunana wa zu, <<Remu yan-o bo otte m-roog? Yune! Bo kon ru-u ro, ko wa hogu on-ur in, wa ukur in dugu m-mar.>>

⁷ Kuna a-nak-du hat-u yat-ya ne zutte, <<Haanun, in gunun u-gwembi remu na nuput wa-ut-ba'as.>> U da-u o un nom u-gwembi, un nup uzu Yunana wa, wa-ut-ba'as.

⁸ Un zu wun, <<U da-o waru it. Yan-o bo nome na otte swadu ur-kob? Yan-o o ank-m ro? Hene

bō rwutun ne? ¿Yan-ō dim-du bō-u bō rwutun?
¿Yan ko-de bō rwutun?>>

⁹ Yunana zu un, <<Me net-u Isra wa, tumsu me
wa doru Yawe wa, Ru-u dom u-ru, wu nome m-sa
u-dak ne.>>

¹⁰ Tumsu wa waru un, uzu wa o u som-du Yawe.
Da-u o gyer-u ship net-ut to, un zu wun, <<¿Remu
yan-ō bō nomte iya?>>*

¹¹ Yu-u m-mya u-me m-sa sur ur-beb sok, un zu
wun, <<¿Yan-ō it do'e nomu bō u yu-u m-mya yakte
nomu in u-gwuz?>>

¹² Yunana zu un, <<Um nak yu-u m-mya haagun
u-domu no u remu ba'as-ut ri. Kabun me no guns
me u-me m-sa ko-uyan o ut-res.>>

¹³ Sedi un waste u rem-us Yunana ne da. A-nak-
du hat-u yat-ya ne hu mat-du us-hund e teet kit m-
sa, remu beb-du m-mya re u-shu m-swur un kerge
da.

¹⁴ Un nom us-kan udu Yawe, un zu, <<Yawe u-
Ru, it konog bō, a-bō yage it mar remu kab-du fat-
du net unwa da. Yawe u-Ru, a-bō ship it a-ut-ba'as
remu kab-du fat-du wa-za-ut-ba'as unwa da. Sedi
nom nom-u citu bō.>>

¹⁵ Un kub Yunana, un guns wa u-me m-sa. Da-u
un gunse Yunana, yu-u m-mya res tek.

¹⁶ Da-u o, net-tu hog gyer-u Yawe sok. Un nom
estedu us-rem udu Yawe, tumsu un nom ur-toog
udu wa.

¹⁷ Da-u un gunse Yunana m-sa, Yawe tomon jan-
u yat-ya, ya toros Yunana. Yunana shu'ut u-me
men-tu u-jan ut-ho ut-tut.

* **1:10** Yeso shukut iyane Mati 12:40.

2

Toog-us Yunana udu u-Ru

¹ Da-u wa ooge u-me men-tu u-jan, Yunana nong
us-toog udu Yawe u-Ru.

² Wa zu,
<<Um fak Yawe u tek-u
swadu ur-kob u ri,
tumsu wa shus toog-us ri.
U-me be-du ur-shu'ut
du marimari ne,
tumsu bo hog kon-us ri.

³ Bo gwunug me u-me m-bu mu ur-ra,
u tek-u dak-u m-sa.
Um o u-me m-bu,
tumsu jwak m-bu, reeg beb-ur ri.

⁴ Um zuug, <Ko bo hastu me dugu-du ró,
ko ba shu'ute iya,
me ut-sur m-hyan
pyu-u u-hen u ró.>

⁵ Bu-mu reeg me ur-hi,
bu-mu m-sa takuste me u-beet.
Gwa-su me m-sa
takuste hi-ur ri.*

⁶ Um yi'iste u-ta
m-sa m-te u be-du ut-ta'ar.
Um o u-me be-du marimari ne.
Yawe, u-Ru u ri,
bo wa ruutu me u-me u-kub.

⁷ <<Yawe, da-u um hoge fat-ur ri
o m-rwu;
tumsu um nom us-toog udu ró,

* 2:5 Gwa-tu apne u-me m-sa.

Tumsu bō hog kōn-ūs ri
 u-mē be-du u-hen u ró.

⁸ <<Net-tu ooge nōm-du ut-huuk m-gir,
 e gugumte on-du u
 cwan-tu u-Ru ne.

⁹ Sedi me, u nu-u ut-vam.
 Um de nōm-du toog udu ró.

Me shusu estedu us-rem u ri,
 remu ukur u oon dugu Yawe.>>

¹⁰ Se Yawe wu' jan-yu gwa'un Yunana u-kit m-sa.

3

Yunana o m-ha u Neneba

¹ Rem-ūs Yawe sur m-haan udu Yunana u-
 yurumse. Wa zu,

² <<Yune bō ha u Neneba bō-u yat-o, bō waru
 net-tu o ukun rem-su um waru bō.>>

³ Yunana er rem-ūs Yawe, se wa yune wa hu u
 Neneba. Bō-u Neneba oog u yat-o o sok, se net
 nong m-roog ut-tut kanda wa hyan bō-u o u-beet.

⁴ Ho-du Yunana cwaye u-mē bō-u Neneba, wa
 nom ur-hoot ur-gan. Se wa heese nōm-du ur-
 donse uzu, <<Kwukus m-roog ut-shik ut-yur u na
 haatun u ho-du bō-u Neneba.>>

⁵ Net-tu Neneba hog rem-ūs u-Ru, e dor se. E
 nom ur-donse kowan u nōm u-swaat, iya o hen u
 net-ut wuto u ya'ag-u rek-e, kowan nom u-swaat,
 tumsu e wu cwu-tu kose-du namu jab remu ba'as-
 ut un.

⁶ Da-u faruk-u Neneba hoge rem-su Yunana
 ware, wa yune dugu pora-du ur-faruk-u wa. Wa

wu' cwu-tu kose namu jab. Wa shu'ut u-dak u dom m-cwa remu koste uzu wa yakke ut-ba'as.

⁷ U da-u o, faruk wu' na nom ur-donse u-me bo-u wa u-beet uzu:

Dugu nu-u faruk-u i-yate wa ne.

<<Ana yage net ko u-bisa o rak nom ut-re da, a wakun u re nom ut-re ko wa swa m-bu da.

⁸ Yage net, ut-bisa ne u wa' kus-tu kose namu jab. Tumsu yage kowan u fag u-Ru m-hor-m-hor. Kowan byurun dugu fun-us yo-se wa, u yunus-du jab-su ut-net ne.

⁹ Jiya Ru-o ut-hog ur-on, wa toros jab-u wa remu ba'as-ut in, wa yage mottu ho-du in.>>

¹⁰ Da-u Ru-u hyane uzu un yakke ut-ba'as u remu yage-du nom-du nom-ut yo-to un, se wa hog on-ur un. Wa yage mottu ho-du un tu wa ooge wa zongte.

4

Ryab-us Yunana remu on-ur Yawe

¹ Yunana hog us-ryab sok, remu on-du Ru-u hoge u dom-u net-tu Neneba.

² Yunana nom us-toog udu Yawe wa zu, <<Yawe, inya o um zutte da-u um ooge u bo-u ri? De wute um somot m-hor m-hor m-ha u Tarshis. Ko ba um nape uzu bo wa-u-nya wa tumsu Ru-u ur-on, tumsu wa za hor-mu us-ryab, bo o ut-cwan ne tu barumte da, tumsu ko mune bo o zongi zongi bo hast jab-u ro dugu hatun swadu ur-kob.

³ Yawe, kab fat-ur ri da-o, rem uzu zek ur-zwar um mar.>>

⁴ Yawe zu, <<Nong ur-zwar bo nom us-ryab u mot-ut tun-to?>>

⁵ Yunana aruk m-rwu dugu me u-bo wa do'e wa shu'ut u dekun be-de u-dom u-bo ne. Wa nom dekun rimpa-de remu wa kum-ut m-yara. Wa shu'ut u me, wa hyen-ut nom-tu Ru-u de nomu bo-u Neneba.

⁶ Da-u wa ooge u-me ur-rimpa, Yawe u-Ru wu' yakun kuwut-du ut-ran apun remu ya habte wun dung-mu ur-hi, ya rogom ya nomu wun m-yara. Yunana nom ur-so sok remu kuwut-du ut-ran ya.

⁷ Da-u is gase ur-wun tep tep, Ru-u tomon ut-zwa, tu tu'se kuwut-du ut-ran ya, ya guus.

⁸ Da-u ho-du rwune, Ru-u tomon mya-m yat-mo dugu u-dom. Ho-yu gup Yunana ur-hi har wa oog ussa ut-byuz, wa o ut-sa m-mar. Se wa zu, <<Zek ur-zwar um m-mar uzu um fot ne.>>

⁹ Ru-u zu Yunana, <<¿Nomug bo ur-zwar bo nom us-ryab u remu mar-mu kuwut-du ut-ran de?>>

Yunana zu, <<Kamug um nom us-ryab, ryab-su te m-mar.>>

¹⁰ Yawe zu, <<¿Kamug bo hog on-du kuwut-du ut-ran yu o zu bo kawe ya da? Bo wa'e tumsu ya nen-ut da. Ya apkun u gyup-mu m-gan ya mur u mokon gyup-mo.

¹¹ ¿Kamug um hog on-du Neneba bo-u yat-o da? Bo-u otte ya'ag i zege ut-zongu u-kok u kwaz-du ur-gan (120,000) i nape nom-u so-o u yo-o ne da. Tumsu bisa-tu oro u-tat u-me bo-u o. ¿Kumge um hog on-du bo-u o da?>>

ut-Mai'n Scripture portions **ut-Ma'in: ut-Mai'n Scripture portions (Bible)**

copyright © 2024 Wycliffe Bible Translators, Inc.

Language: (ut-Ma'in)

Contributor: SIL Nigeria

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-02

PDF generated using Haiola and XeLaTeX on 2 May 2025 from source files dated 2 May 2025

068e2e02-b155-577a-92af-01c24a39c8cc